

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 7. stav (b) Pravilnika o postupku direktnog sporazumu („Službeni glasnik BiH“, broj: 90/14), a nakon provedenog postupka javne nabavke putem direktnog sporazuma za nabavku goriva za službena vozila Centralne harmonizacijske jedinice Ministarstva finansija i trezora BiH, zaključen je:

## U G O V O R o nabavci goriva

### Između:

1. **Centralne harmonizacijske jedinice Ministarstva finansija i trezora BiH, Trg Bosne i Hercegovine 3, koju zastupa direktor Ranko Šakota, (u daljem tekstu: Ugovorni organ )**  
i
2. **“Petrol BH Oil Company d.o.o. iz Sarajeva, Tešanjka broj 24/II, kojeg zastupa direktor Gregor Žnidaršič (u daljem tekstu: Dobavljač)**

### Član 1.

- (1) Ovim Ugovorom ugovorne strane su se sporazumjele da će Dobavljač tokom ugovorenog perioda, vršiti sukcesivnu isporuku za Ugovorni organ, na cijeloj teritoriji Bosne i Hercegovine Euro dizela, po ukupnoj cijeni ponude u iznosu od 5320,00 KM bez PDV-a (slovima: pethiljadatristotinedvadeset 00/100 KM), za ukupnu količinu od 2.000 litara.
- (2) Sastavni dio ovog Ugovora je ponuda Dobavljača broj: 132/22 od dana 24.05.2022. godine.

### Član 2.

Ugovorne strane su se sporazumjele da će se, u periodu važenja ovog Ugovora, plaćanje vršiti na bazi važećih maloprodajnih cijena u vrijeme isporuke i to ispostavljanjem fakture, sa prilogom kojeg čine: evidencija pojedinačno isporučene količine, jedinična cijena goriva, registarske oznake vozila, datum sipanja, broj odobrenja sipanja, vrsta goriva, ime i prezime vozača i potpis vozača.

### Član 3.

- (1) Dobavljač se obavezuje da će, u toku trajanja ovog Ugovora, primjenjivati rabat od 0,08 KM/lit na maloprodajnu cijenu goriva, shodno ponudi broj: 132/22 od dana 24.05.2022. godine.
- (2) Dobavljač se obavezuje da će Ugovorni organ svrstati u „prioritete“, odnosno da će Ugovorni organ imati posebno rezervisane količine robe koje su predmet nabavke u bilo kojem trenutku, neovisno od situacije na tržištu.



- (3) Isporučka ugovorene robe je Fco. benzinske pumpe Dobavljača. Spisak benzinskih pumpi na teritoriji Bosne i Hercegovine dostavljen je uz ponudu broj: 132/22 od dana 24.05.2022. godine i čini sastavni dio ovog ugovora.

#### Član 4.

- (1) Dobavljač se obavezuje da robu fakturiše u ugovorenim rokovima, na osnovu otpremnih dokumenata (otpremnicu i sl.) potvrđenih od Ugovornog organa da je robu preuzeo, te izdao i predao fakture i to na dan preuzimanja robe.
- (2) Dobavljač se obavezuje na nepromjenljivost ponuđenih cijena tokom cijelog ugovornog perioda. U slučaju promjene cijene na tržištu zbog koje se mijenja cijena dostavljena u ponudi broj 132/2 od dana 24.05.2022. godine, Dobavljač je dužan obavijestiti Ugovorni organ, te dostaviti pismeno obavještenje od strane nadležne institucije uz ispostavljenu fakturu za isporučenu robu.
- (3) Ako dobavljač Ugovornom organu na zahtjev, ne dostavi obrazloženje za izmjenu cijene, koje može, između ostalog, sadržavati i poređenje s cijenama na tržištu, Ugovorni organ neće prihvatiti promijenjene cijene.

#### Član 5.

- (1) Dobavljač se obavezuje da će za svako vozilo Ugovornog organa, na lokaciji cijele Bosne i Hercegovine, besplatno izdati karticu u cilju plaćanja Petrolove kreditne kartice (MAGNA kartica).
- (2) Izdavanje kartica iz prethodnog stava ovog člana, ne isključuje obavezu Dobavljača na dostavljanje priloga uz fakturu, koji se navodi u članu 2. ovog ugovora.

#### Član 6.

- (1) U slučaju da Dobavljač povremeno nije u stanju izvršiti ugovorenu isporuku za Ugovorni organ, isti se obavezuje nadoknaditi, po tom osnovu stvarne troškove, koje je imao Ugovorni organ.
- (2) Ukoliko Ugovorni organ ocijeni da Dobavljač nije u stanju kontinuirano i kvalitetno izvršiti preuzete obaveze sukcesivne isporuke roba iz člana 1. ovog ugovora, jednostrano će, bez njegove saglasnosti, otkazati ovaj Ugovor.

#### Član 7.

Ugovorni organ se obavezuje da će za izvršenu uslugu izvršiti plaćanje u roku do 30 dana od datuma prijema fakture.



## Član 8.

Ovaj ugovor zaključuje se na određeno vrijeme, u trajanju od 12 (dvanaest) mjeseci a počevši od 03.06.2022. godine.

## Član 9.

Odredbe ovog Ugovora ne mogu se mijenjati nakon njegovog zaključivanja.

## Član 10.

Na ostala prava i obaveze ugovornih strana, koja nisu regulisana ovim Ugovorom, primjenjivat će se odredbe Zakona o obligacionim odnosima Bosne i Hercegovine.

## Član 11.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Suda Bosne i Hercegovine.

## Član 12.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

**DOBAVLJAČ**  
Petrol BH Oil Company d.o.o

Direktor  
Gregor Znidaršič

  
  
Prokurista  
Bojan Košer

**UGOVORNI ORGAN**  
Centralna harmonizacijska jedinica  
Ministarstva finansija i trezora BiH

Direktor  
Ranko Šakota





Broj: U-580/22  
Datum: \_\_\_\_\_

Broj: 04-1-16-10-14-9/22 SN  
Datum: 30.05.2022. godine

